



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**M. Adami, Scriptoris Vetvsti, Historia Ecclesiastica,  
Religionis Propagatae Gesta, Ex Hammabvrgensi  
Potissimum Atque Bremensi Ecclesiis, Per Vicina  
Septentrionis Regna**

**Adamus <Bremensis>**

**Helmetadi[i], 1670**

XX. Diploma Henrici IV. De Comitatu In Pagis Hvnesga Et Fivilga.

**urn:nbn:de:hbz:466:1-11096**

VI. Indictione IV. HEINRICO anno quadragesimo III. regnante, imperante vero III. decimo, data est Patavij presente & laudante ac confirmante Domino Papa Clemente. Recognoscebant ex Principibus, Episcopus Monasteriensis Erpho, Episcopus Veronensis VVolfrigel, Vincentinus Episcopus Ycelo, Tarvisianus Episcopus Lupoldus, Episcopus Veltrensis Aribo, Episcopus Faventinus Routpret, Marchiones à Lo. Purchardus. Comites Megenfridus, VVido, Houc, & alij complures.

XX.

DIPLOMA HENRICI IV. DE COMITATV IN PAGIS HVNESGA ET FIVILGA.

Diploma  
hoc cum  
sequenti-  
bus tribus  
extat apud  
Linden-  
brog à p.  
59. usque  
ad 163. quæ  
adeo præ-  
mitti supe-  
rioribus  
nonnullis  
debuerant.

**I**N nomine sanctæ & individue Trinitatis, Henricus divina favente Clementia Rex. Si loca divinis cultibus mancipata, more antecessorum nostrorum Regum & Imperatorum ditare & sublimare curamus, eternam retributionem nobis inde futuram liquido credimus. Quo circa omnium Christi nostrorumq; fidelium tam futurorum quam presentium noverit industria, qualiter nos pro remedio beatæ memoriæ patris nostri Henrici tertii, Regis secundi Romanorum Imperatoris Augusti, & ob interventum dilectæ matris nostræ Agnetis Imperatricis Augustæ, nec non ob petitionem & devotum ac fidele servitium Adalberti venerabilis Hammaburgensis Ecclesiæ Archiepiscopi, quæ est constructa in honorem sancti Salvatoris & sanctissimæ eius genitricis Mariæ virginis, quendam nostri juris Comitatum, scilicet in pagis Hunesga & Fivilga, cum eodem jure omnique  
utili.

utilitate, quam antecessores nostri habuerunt, vel ullo modo in futurum inde poterit provenire, ad usum ejus dictæ Ecclesie in proprium tradidimus, & condonavimus. Insuper etiam eidem Archiepiscopo licentiam & potestatem concessimus, in eodem Comitatu duos mercatores constituendi, unum videlicet in Vinechum, & alterum in Gerlevisvert, cum monetis & theloneis tam in aqua, quam in terra, & in omni districtione, quæ ad forum & regiam pertinet potestatem; ita quidem, ut nullus iudex aut exactor, vel ulla alia persona, præter libitum prædicti Archiepiscopi regiam nostram traditionem invadere, aut irritam facere præsumat. Hanc autem traditionem tali ratione firmavimus, ut præfatus Archiepiscopus & successores illius de prænominatis rebus liberam deinceps potestatem habeant tuendi, vel quidquid illis ad usum Ecclesie prænominatæ placuerit, inde faciendi. Et ut hæc nostra regalis traditio stabilis & inconversa omni permaneat ævo, hanc chartam inde conscriptam, manu propria, ut infra videtur roborantes, sigilli nostri impressione jussimus insigniri. Data VII. Kal. Maj. Anno Dominicæ incarnationis MLVII. Indictione X. Anno autem Domini Henrici IV. Regis ordinant. III. regni primo. Actum VVerede in Dei nomine feliciter. Amen.

Meminiē  
hujus do-  
nationis A-  
damus c. 4.  
lib. 4. c. 117d

## XXI.

DIPLOMA HENRICI IV. DE TRADITIONE  
LIESTMVONÆ &c.

**I**n nomine sanctæ & individue Trinitatis, Henricus divina favente Clementia Rex. Cum regie dignitatis sit, jus  
Ff 2 cuilibet

Vide Ad-  
mum lib.  
4. cap 4.  
pag 112.